

Bosna i Hercegovina
Federacija Bosne i Hercegovine
HERCEGOVAČKO NERETVANSKI KANTON
Općinski sud u Mostaru
Broj: 058-0-Su-1546/24
Mostar, 01. 07. 2024. godine

Na osnovu člana 31. Zakona o sudovima u Federaciji BiH („Službene novine Federacije BiH“, broj 38/05, 22/06, 63/10, 72/10, 7/13, 52/14 i 85/21), člana 28. Pravilnika o unutrašnjoj organizaciji i sistematizaciji radnih mjesta Općinskog suda u Mostaru broj 058-0-Su-2500-1/21 od 22.11.2021. godine i 058-0-Su-2390/22 od 21. 11. 2022. godine i člana 8. stav 1. tačke b), c), j) i s) Pravilnika o unutrašnjem sudskom poslovanju („Službeni glasnik BiH“ broj 66/12, 40/14, 54/17 i 30/18), predsjednik suda donosi

ODLUKU

I

Prilikom ulaska u zgradu Općinskog suda u Mostaru, svi posjetioci moraju na portirnici predati važeći identifikacioni dokument (lična karta, vozačka dozvola, pasoš) koji će im biti vraćen prilikom izlaska iz zgrade Suda.

Sve osobe koje ulaze u zgradu Suda obavezne su proći provjeru koju provodi Sudska policija.

II

U zgradu Suda strogo je zabranjeno unošenje vatrenog oružja, hladnog oružja, municije, eksploziva i lako zapaljivih materija.

Audio snimanje, video-snimanje ili fotografiranje u zgradi Suda strogo je zabranjeno.

III

Na pretrese/ročišta, prilikom posjete predsjedniku suda, sekretaru suda, sudijama, stručnim saradnicima, zemljišnoknjižnim referentima, registru suda i pisarnici suda, strogo je zabranjeno unošenje radio i TV-prijemnika, mobilnih telefona, radio stanica, prijenosnih kompjutera, ličnih digitalnih organizatora, foto-aparata i svake druge opreme za obradu audio i video zapisa ili informacija ili za njihovo snimanje ili emitovanje.

Sve osobe koje dolaze u Sud radi prisustvovanja ročištima/pretresima, kao i osobe koje su dolaze u sud kod predsjednika suda, sekretara suda ili kod sudija, stručnih saradnika, zemljišnoknjižnih referenata, kod službenika i namještenika registra pravnih osoba ili u pisarnicu suda, dužne su na ulazu ili portirnici Suda odložiti sve stvari čije unošenje u zgradu nije dozvoljeno, a koje se mogu pohraniti u ormarićima za odlaganje nasuprot ulaznim vratima.

Nakon pohranjivanja predmeta u ormarić, osoba čiji su predmeti pohranjeni, uzima ključ

od ormarića i nosi ga sa sobom dok boravi u zgradi Suda. prilikom odlaska iz zgrade, preuzima pohranjeni sadržaj i ključ ostavlja u bravi ormarića gdje su stvari bile pohranjene.

Kišobrani se odlažu na ulazu u zato postavljene i označene posude.

Ukoliko osoba ima sa sobom predmet koji se ne smije unijeti u zgradu suda unijeti u zgradu Suda. a koji predmet se ne može fizički smjestiti u ormarić za odlaganje, osoba je dužna ostaviti predmet u portirnici Suda, uz prisustvo dežurnog sudskog policajca.

Osobama/posjetiocima koje žele ući u Sud s previše prtljage ili sa neobičnom prtljagom, može biti uskraćen ulazak u zgradu Suda.

Sud ne preuzima odgovornost za bilo kakav gubitak, štetu ili krađu ličnih stvari osoba/posjetilaca u prostorijama Suda.

IV

Mjesta u prostoru za publiku u sudnicama dodjeljuju se prema redu prvenstva i dolaska na Sud. Osoba koja želi prisustvovati ročištu mora ući prije početka ročišta. Za vrijeme boravka u sudnici publika je dužna da se primjereno ponaša, te se nije dozvoljeno smijati, glasno razgovarati, konzumirati hranu ili piće ili na bilo koji drugi način ometati rad Suda.

V

Posjetioci Suda moraju biti prikladno odjeveni. Nije dozvoljen ulazak osoba u kratkim pantalonama, odjeći dužine iznad koljena, tregericama sa tankim bretelama ili bez bretela, kao i neprikladnoj obući za Sud (plastične papuče, japanke i sl.). Svako drugo oblačenje koje se smatra provokativnim (npr. izrazito prozirna odjeća) ili pokazivanje potencijalno uznemirujućih, uvredljivih natpise, simbole ili slika nije dopušteno.

U prostorije Suda strogo je zabranjeno unošenje alkoholnih pića, narkotičkih supstanci i jela koje šire jake mirise.

Konsumacija hrane i pića, čitanje novina, knjiga i časopisa u prostorijama za publiku u sudnicama je zabranjeno.

Strogo je zabranjeno pušenje unutar zgrade Suda kako je to propisano Zakonom o kontroli i ograničenoj upotrebi duhana, duhanskih i ostalih proizvoda za pušenje („Službene novine Federacije BiH“, broj 38/22), pravilnicima i propisima u vezi tog Zakona. Do potpune primjene Zakona o kontroli i ograničenoj upotrebi duhana, duhanskih i ostalih proizvoda za pušenje, isto je dozvoljeno u prostoru prije ulaza u arhivu suda.

VI

Ova Odluka stupa na snagu danom donošenja, te se od tog dana i primjenjuje.

PREDSJEDNIK SUDA

Bajro Avdić

